



Жанубий Қозоғистон

1991 йил 5 апрелдан чиқа бошлаган
Сешанба, пайшанба ва шанба кунлари чиқади

2025 йил 15 апрель, сешанба, №40 (3541).

Президент

ИНДУСТРИЯВИЙ ТАРАҚҚИЁТ МИНТАҚАСИ



KAZINFORM. Ўтган ҳафтада Давлат раҳбари Қасим-Жумарт Тўқаев амалий ташриф билан Шимкент шаҳрига келди.

Президентга шаҳарни ободонлаштириш ва кўкаламзорлаштириш, уй-жой коммунал хўжалигини ривожлантириш борасида амалга оширилаётган ишлар ҳақида маълумот берилди.

Дастлаб, Қасим-Жумарт Тўқаев «Shymkent City» кичик тумани яқинидаги янги боққа ташриф буюрди. 20 гектардан зиёд майдонни эгаллаган боғда сайр қилиш, маданий-оммавий тад-

бирлар ўтказиш учун барча шароит яратилган. Бу ерда фавворали сунъий ҳовуз, амфитеатр, ободонлаштирилган хиёбонлар, воркаути ва бошқа майдончалар мавжуд.

Экологик вазиятни яхшилаш ва шаҳар аҳолиси учун янада қулай муҳит яратиш мақсадида яқин йилларда 1 миллион тупдан ортиқ даракт кўчалари экилади. Шаҳардаги 12 боғни ободонлаштириш, гулзорлар, Кўчқор ота дарёси қирғоқлари, ариқларни тозалаш ишлари давом этмоқда. Собىқ чиқиндихона ўрнида Экобоғ барпо этилмоқда.

Бундан ташқари, Президентга Хитойнинг «Shaanxi Construction Engineering» компанияси таклиф этган чиқиндиларни ёқиш заводи

лойиҳаси тақдим этилди. Завод кунига 1000 тоннагача қаттиқ маиший чиқиндиларни қайта ишлаш ва электр энергияси ишлаб чиқариш имкониятига эга.

Сўнг Президент янги очилган «Coca-Cola İçecek Kazakhstan» заводида ташриф буюрди.

Илгор технологиялар ва жуда юқори даражадаги автоматлаштириш билан жиҳозланган корхона йилига 283 миллион литргача ичимлик ишлаб чиқариши мумкин.

(Давоми 2-бетда.)



Буюк Ипак йўлидан янги тамаддун сари йўл

Тинчлик ва барқарорлик бўлмаса, илм-фан соҳасида ҳеч қандай юксалиш, тараққиёт бўлиши мумкин эмас. Қарда тинчлик ва барқарорлик бўлсагина илм-фан марказлари, олий ўқув юртлари пайдо бўлади. Энг асосийси, таълим-тарбия равнақ топиб, унга қизиқиш, эътибор кучаяди. Тинчлик-барқарорлик бўлган жойдагина одамлар ўқиб-ўрганишади, ҳар томонлама ривожланади.

Қасим-Жумарт Тўқаев.

Маълумки, Туркистон ва Шимкент шаҳарлари қадимий халқаро транспорт артерияси вазифасини бажариб, Хитой, Ҳиндистон, Марказий Осиё, Ўрта ва Яқин Шарқ, Ўрта ер денгизи минтақаси каби ҳудуд ва мамлакатларни боғлаб келган Буюк Ипак йўлида нафақат савдо-сотик алоқаларини, балки қитъалар ва давлатлар ўртасида ахборот алмашувини таъминлашга хизмат қилган, янги технология ҳамда ишланмаларнинг тез тарқалишида, шунингдек, илм-фан ва маданий қадриятлар ривожланишида муҳим восита вазифасини бажарган.

1987 йил ноябрда Парижда ўтказилган ЮНЕСКО Бош конференциясининг XXIV сессиясида 10 мамлакат ташаббуси билан йирик кўламли халқаро лойиҳа бўйича «Буюк Ипак йўли»ни ўрганишга қаратилган қарор қабул қилиниб, бу лойиҳада Ўрта Осиё халқлари бой маданий тарихи кенг қамровда тадқиқ этилган эди. Асосий мақсад эса – Шарқ билан Ғарб ўртасида янада мустақам маданий ва иқтисодий алоқалар ўрнатиш, ушбу буюк қитъаларда яшовчи кўп сонли халқлар ўртасида ўзаро муносабатларни яхшилашдан иборат эди. Шарқ мамлакатларида (Ҳиндистон, Хитой, Ўзбекистон, Шри Ланка, Япония) «Буюк Ипак йўли»ни ўрганиш бўйича махсус илмий институтлар барпо этилган. «Буюк Ипак йўли»нинг тикланиши иқтисодий манфаат билан бирга давлатларнинг маданий-сиёсий ҳаётига ҳам катта ижобий таъсир кўрсатади ва у борган сари улкан аҳамият касб этмоқда. Бу йўл яна қайтадан тикланмоқда. Бу – дўстлик, маданият, давлатларнинг иқтисодий юксалиш йўли, бир сўз билан айтганда тараққиёт йўлидир. Шунингдек, минтақа давлатларининг иқтисодийтини янги боسقичга кўтаришга халқларнинг фаровонлигини ошириш, одамларни тараққиётнинг янги медаларидан баҳраманд этишга имкон яратади.

Давлат раҳбари Конгресс-холлда жамоатчилик вакиллари билан учрашувда ҳам Буюк Ипак йўлининг аҳамиятига алоҳида тўхталди.

Шимкент Қозог'истоннинг жанубидаги sanoat, savdo va madaniy markaziga айланган. Чунки бу шаҳар Буюк Ипак йўлининг карвон йўллари чорраҳасида жойлашган ва жуда бой тарих ва маданиятга эга. Шимкентда қадимдан савдо-сотик ривожланган, турли маданият ва анъаналар изларини қолдирган. Карвон йўли ҳали тўхтагани йўқ. Бу шаҳар орқали «Ғарбий Европа – Ғарбий Хитой» транспорт йўлаги ўтади. Шу тўғрисида шаҳарнинг стратегик аҳамияти ортди. Бундан бир неча йил аввал шимкентликлар билан учрашганим ёдингиздадир. Ушанда айтганларимни такрорламоқчиман: «Фаровонлик – иқтисодиёт дегани, бирдамлик эса – сиёсат». Дарҳақиқат, мана шу икки қадрият тўғрисида мамлакатимиз равнақ топади. Буни Шимкентнинг бугунги қиёфаси мисолида кўриш мумкин. Шаҳар йилдан-йилга жадаллик билан тараққий этмоқда. Кўплаб корхоналар очилмоқда. Бир қанча ижтимоий иншоотлар ишга туширилди. Хусусан, Конгресс-холл, иккита Талабалар саройи, 11та бадастир мактаб барпо этилди. Дарвоқе, бир гуруҳ шимкентлик фуқаролар томонидан Конгресс-холлнинг номини «Tulip Hall» ўрнига «Қизғалдоқ саройи» ёки «Қизғалдоқ» деб ном бериш таклиф қилинмоқда. Уйлайманки, бу фикр ўринли. Ўтган йили шаҳарда жами 1,3 миллион квадрат метр уй-жой барпо этилди. Металлургия, қурилиш, озиқ-овқат sanoati жадал ривожланмоқда. Ўтган йили шаҳар иқтисодиёти 11 фоизга ўсди. Шимкент шаҳрида 300дан зиёд сармовий лойиҳа амалга оширилмоқда. Натижада, 9 мингга яқин доимий иш ўрни яратилди. Фақатгина ўтган йилнинг ўзида шаҳарга қарийб 770 миллиард тенге сармоя жалб этилди, – деди Давлат раҳбари.

Президент Шимкент шаҳри эл орасида «тадбиркорлар ватани» сифатида танилганини таъкидлаб, шаҳар иқтисодиётининг ярмидан зиёди 140 мингга яқин кичик ва ўрта бизнес субъектларига тегишли эканлигига урғу берди.

Мегаполис – демографик жиҳатдан юксалаётган минтақа. Табиий ўсишдан ташқари, доимий яшаш учун ушбу шаҳарни танлаётган одамлар ҳам кўп. Бу шаҳарнинг яшаш учун қулай ва истиқболли эканлигини кўрсатади. Аммо назоратсиз миграция тегишли техник ва ижтимоий инфратузилмага таъсир кўрсатиши табиий. Буни ҳам унутмаслигимиз керак. Албатта, Шимкент барча ютуқларга, аввало, меҳнаткаш, ташаббускор, ташкилотчи одамлари тўғрисида эришди. Ўзгариб бораётган бугунги замонда бу фазилатлар ҳар бир фуқарода бўлиши керак, – деди Давлат раҳбари.

Қ. Тўқаев дунё олдида турган янги муаммолар ҳақида ўз фикрларини билдирди.

(Давоми 3-бетда.)

ҲОКИМ ЭЛЧИЛАРНИ ҚАБУЛ ҚИЛДИ

Вилоят ҳокими Нуралхан Кўшерев 20га яқин Европа давлатларининг Қозог'истондаги элчиларини қабул қилди. «Дўстлик уйи»да ўтган учрашувда минтақанинг сармовий ва сайёҳлик салоҳияти тақдим этилиб, давлатлараро ҳамкорлик алоқаларини мустақамлаш йўллари муҳокама қилинди. Вилоят раҳбари олийқадр меҳмонларга Туркистоннинг тарихий ва иқтисодий аҳамияти ҳақида гапириб берди.

Сизларни Туркий оламнинг маънавий маркази ва Қозоқ хонлигининг пойтахти бўлган муқаддас Туркистон шаҳрида қарши олганимдан мамнунман. Вилоятимиз саяҳатчилар учун беҳад бой қадамжоларга эга. Буюк ипак йўли бўйида жойлашган Туркистон мамлакатининг тарихий ва маданий маркази ҳисобланади. Давлатимиз раҳ-

бари Қўсим-Жумарт Кемелули кўмағида вилоятни тараққий эттириш борасидаги ишлар жадал суръатларда олиб борилмоқда. Ғарб ва Шарқ ўртасидаги савдо алоқалари ва кўплаб тарихий обидалар Марказий Осиёга сармоя жалб қилиш ва жаҳоннинг кўзга кўринган сайёҳлик марказига айланиш салоҳиятини оширади.

(Давоми 2-бетда.)



KAZINFORM. Алмати шаҳрида Мустақил Давлатлар Ҳамдўстлиги Ташқи ишлар вазирлари кенгашининг йиғилиши ва ташқи ишлар вазирларининг «Марказий Осиё – Россия» шаклидаги VIII йиғилиши ўтди.

Расмий қисм аввалида Қозог'истон Республикаси Бош вазири ўринбосари – Ташқи ишлар вазири Мурат Нуртлеу делегациялар аъзоларини қутлади.

Мурат Нуртлеу ўз нутқи давомида 2025 йил Ғалабанинг 80 йиллиги нишонланиши ҳамдўстлик руҳида ўтаётганини таъкидлади.

Тадбирда ўзаро ҳамкорликнинг сиёсий, савдо-иқтисодий, маданий-гуманитар ва бошқа соҳаларида сазой-ҳаракатларни мувофиқлаштиришга алоҳида эътибор қаратилди.

Ташқи ишлар вазирларининг навбатдаги учрашуви доира-

ТИНЧЛИК – БЕБАҲО ҚАДРИЯТ

Мустақил Давлатлар Ҳамдўстлиги Ташқи ишлар вазирлари кенгаши



сида минтақа давлатларининг савдо-иқтисодий ва сармовий, транспорт-логистика ва маданий-гуманитар соҳаларда, шунингдек, минтақавий хавфсизликни таъминлаш соҳасидаги ўзаро ҳам-

корлигининг долзарб масалалари муҳокама қилинди.

МДХ давлатлари доирасида 2025 йили ташқи ишлар вазирликларининг маслаҳатлашувларни ўтказиш ҳамда 2030 йилгача

МДХга аъзо давлатларнинг Ёшлар бўйича халқаро ҳамкорлиги стратегиясини жорий йилда амалга ошириш юзасидан Тадбирлар режаси маъқулланди.

Йиғилишда иштирокчилар кун тартибининг асосий масалалари ва турли соҳалардаги ҳамкорлик истиқболларини муҳокама қилди. Қозог'истон Ташқи ишлар вазири Мурат Нуртлеу МДХ ўз фаолияти давомида – сўнгги 30 йилда ҳақиқий кучга эга тузилма эканлини исботлаганини таъкидлаган. Унга кўра, аъзо давлатлар ўртасидаги муносабатларда ўзаро ишонч ва ҳамжиҳатлик руҳи мустақамланмоқда.

Қозог'истон МДХ доирасидаги ҳамкорликни янада ривожлантириш тарафдори бўлиб, республика илгари сураётган кўплаб ташаббуслар ҳамкорлар ва ижроия кўмига томонидан қўллаб-қувватланмоқда.

(Давоми 2-бетда.)

»» Чордара тумани ташкил топганига – 60 йил

60 ОИЛАГА БОШПАНА БЕРИЛДИ

Чордара туманининг 60 йиллиги доирасида Чордара шаҳрининг 4-кичик туманида 60 хонадонли уй-жой биносини фойдаланишга топшириш маросими ўтди.



Йиғилишда туман ҳокими Арман Қарсибаев ва туман маслаҳати раиси Бултай Муталиев махсус иштирок этиб, аҳолига 60 хонадоннинг калитини топширди. Туман ҳоқими томонидан уй-жой қурилишида иштирок этган фуқаролар ҳам махсус ташаккурномалар билан тақдирланди.

– Чордара шаҳрида бу йил кўплаб иншоотлар фойдаланишга топширилмоқда. Мақсад – туман аҳолисининг турмуш шароитини яхшилашди. Утган ёзда 100 хонадон, кун кеча яна 60 хонадон фойдаланишга топширилди. Бугун бошпанали бўлган оилаларнинг қувончи чексиз. Ушбу шодиёна муносабати билан янги хонадон соҳибларини табриклайман. Туманимизнинг 60 йиллиги ҳам қутлуғ бўлсин! – деди Арман Романули.

Шунингдек, 4-сонли кичик туманда янги “Болашак” истироҳат боғининг тантанали очилиш маросими ўтди. Бу ерда бадиий ҳаваскорлар ижросида куй-қўшиқлар янгради ва тумanning 60 йиллик тантанаси кенг нишонланди.



Ўрдабаси туманида ҳам ҳоким ташаббуси билан тадбиркорлар ҳомийлигида муҳтож оилаларга ижтимоий уй-жойлар берилди.

Вилоят ҳокимининг матбуот хизмати.



ҲОКИМ ЭЛЧИЛАРНИ ҚАБУЛ ҚИЛДИ

(Давоми. Боши 1-бетда).

Туркий халқларнинг маънавий раҳнамоси Ҳожа Аҳмад Яссавий мақбараси шаҳарнинг ташриф қозоғига айланган. Унинг ЮНЕСКО Бутунжаҳон мероси рўйхатидан жой олгани ушбу соҳанинг изчил ривожланишида муҳим омил бўлмоқда.

Амалга оширилаётган ислохотлар натижалари мамлакатимизга келаётган саёҳатчилар сонининг барқарор равишда ўсиб бораётганида ҳам яққол намоян бўлмоқда. Улар нафақат ўлкамизнинг табиий гўзаллиги, бой тарихи, ранг-баранг маданияти ва маҳобатли тарихий ёдгорликларидан, балки халқимизнинг кўп асрлик анъаналаридан, унинг очикқўнғиллигидан, меҳмондўстлигидан ва албатта, бетақрор миллий ошонаси таомларидан ҳам завқланишмоқда.

2018 йилда ташкил этилган Туркистон вилояти савдо-иқтисодий алоқаларни, ўзаро манфаатли ҳамкорликни кенгайтириш учун улкан имкониятларга эга. Аҳоли зичлиги туфайли вилоятда етарлича ишчи кучи ва кадрлар мавжуд. Тадбиркорлик минтақамизнинг устувор йўналишларидан бири. Вилоятда 210 мингдан ортиқ кичик ва ўрта бизнес субъекти, жумладан, 160 корхона хорижий сармоядорлар иштирокида фаолият юритмоқда. 2018 йилдан буён вилоятга 9 млрд. АҚШ доллари миқдорига сармоялар жалб

этилди. Унинг 63 фоизи хусусий сармоядир. Сармоялар санат, кўчмас мулк, қишлоқ ҳўжалиги, туризм ва қайта тикланадиган энергия манбаларига йўналтирилмоқда. Айни пайтда 110га яқин сармоявий лойиҳа мавжуд. 2025-2028 йилларда 19 мингта янги иш ўрни яратилиш режалаштирилган. Вилоятда “ТУРАН” махсус иқтисодий минтақаси, индустриявий минтақалар, санат парк фаолият юритмоқда. Европа тадбиркорлари билан ҳамкорлик алоқаларини ўрнатиш, истиқболли лойиҳаларни амалга оширишга тайёرمиз, – деди Н. Кўшерев.

Учрашувда Қозоғистон Республикаси Ташқи ишлар вазири ўринбосари Роман Василенко иштирок этди. Европа Иттифоқининг Қозоғистон Республикасидаги элчиси Алешка Симкич элчилар гуруҳининг минтақага ташрифидан кўзланган мақсадга тўхталиб, Қозоғистон билан ҳамкорликни мустақамлашдан манфаатдорлиги ва Туркистон улкаси юксак салоҳиятга эга эканлигини таъкидлади.

Тадбирда Буюк Британиянинг Қозоғистондаги элчиси Кети Лич ва бошқа элчилар меҳмондўст Туркистон жамоатчилиги ва минтақа раҳбарига ишбилармонлик алоқаларини ўрнатишга ният билдиргани ва мазмунли учрашуви учун миннатдорчилик билдириши.

Олийкадр меҳмонлар бир қанча сайёҳлик масканларида бўлиб, ви-

лоятнинг сайёҳлик салоҳияти, бой тарихи ва мероси билан танишиб, ушбу соҳани ривожлантириш учун улкан имкониятлар мавжудлигини таъкидладилар. Шу билан бирга, сармоявий дастурлар ва сармоядорлар учун имкониятлар ҳақида саволлар бериб, тегишли маълумотларга эга бўлдилар.

Вилоят туризм бошқармаси раҳбари Нурдаулет Медеуов ва “Turkistan Invest” МЧБ бошқаруви раиси Умирзоқ Юсуповлар вилоятнинг сайёҳлик ва сармоявий имкониятлари ҳақида сўз юритдилар.

Буюк Британия, Польша, Хорватия, Австрия, Болгария, Кипр, Эстония, Германия, Греция, Венгрия, Швейцария, Латвия, Словакия ва бошқа Европа давлатларининг элчилари ва дипломатия вакилларига Туркистон минтақаси ҳақида маълумотлар берилди ва ҳамкорлик алоқаларини ўрнатиш йўллари муҳокама қилинди.

Учрашудан сўнгра Европа элчилари Туркистон қиқинидаги кичик санат парк ва санат майдончаларини айланиб, уларнинг имкониятлари билан яқиндан танишди.

Элчиларнинг Туркистон вилоятидаги тарихий ва сайёҳлик масканларига саёҳати давомида меҳмонлар Ҳожа Аҳмад Яссавий мақбараси ва янгиланган Туркистон шаҳри билан ҳам танишдилар.

Вилоят ҳокимининг матбуот хизмати.

ИНДУСТРИЯВИЙ ТАРАҚҚИЁТ МИНТАҚАСИ

(Давоми. Боши 1-бетда).

Давлат раҳбари ишлаб чиқариш жараёни билан танишар экан, вилоят иқтисодиёти юксалишига туртки бўладиган йирик сармоявий лойиҳаларни қўллаб-қувватлаш муҳимлигини таъкидлади.

Президент қишлоқ ҳўжалиги маҳсулотлари кўргазмасини ҳам бориб кўрди. Утган йили шаҳардаги эллика яқин қайта ишлаш корхонасидан 168,5 миллион тенгелик маҳсулот ишлаб чиқарилди.

“Қасим-Жўмарт Тўқаевга Туркиянинг “Alarko Holding” компанияси иссиқхона мажмуалари қурилишига 650 миллион доллар, Польшанинг “Fabe Polska SP” компанияси эса 136 миллион доллар сармоя киритиш ниятида экани маълум қилинди”, дейилади хабарда.

ҚР Президенти стратегик аҳамиятга эга “Ғарбий Хитой – Ғарбий Европа” транспорт йўлига яқинида жойлашган “Almaog Logistics” савдо-логистика марказига ташриф буюрди.

Майдони 24 минг квадрат метр бўлган кўп тармоқли мажмуа қурилишига хусусий сармоядор 14,8 миллиард тенге сармоя киритди.

Марказ маҳсулотларни сақлашнинг илғор технологиялари билан жиҳозланган. Хусусан, тез бузиладиган озиқ-овқат маҳсулотларини узоқ муддат сақламасдан, имкон қадар тезроқ тарқатиш имконини берувчи тизим жорий этилди.

Қасим-Жўмарт Тўқаев солиқ ислохоти ҳақида ўз фикрини билдирди.

– Янги Солиқ кодексини ишлаб чиқишда мен энг шаффоф, барқарор ва адолатли солиқ сиёсатига ўтишни топширгандим. Дарҳақиқат, биз солиқ сиёсатини қатъийлаштираёемиз, аксинча, уни тартибга соляёмиз. Жорий код жуда кўп ўзгаришларга дуч келди. Қонун бўйсунувчи актлар ва истиснолар билан тўла бўлиб, айрим ҳолларда турли қоидалар қўлланилади. Кодекс ўқиш ва тушуниш қийин ҳужжатга ай-

ланди. Натижада, ишбилармонлар ва давлат амалдорлари буни турлича талқин қилиб, ўз далилларини илгари сурадилар. Мавжуд имтиёзлар ва солиқ тартиблари айрим тадбиркорларни қўллаб-қувватласа, бошқалари улардан норози. Бу ҳам беҳиж эмас. Дастлаб, иқтисодиётнинг айрим тармоқлари ва тадбиркорлик субъектларининг алоҳида тоифаларини қўллаб-қувватлаш мақсадида солиқ имтиёзлари жорий этилди. Аммо тадбиркорлар чегирмадан фойдаланиб, солиқ тўлашдан бўйин товлаш ниятида ўз бизнесларини кичик қисмларга ажратиб юборишди. Биз бунга йўл қўямиз. Қозоғистон тадбиркорлар учун хайрия ҳудудига айланмаслиги керак. Буларнинг барчаси солиқ тушумлари тараққиёт тизимини мураккаблаштириб, солиқ кўчининг адолатсиз тақсимланишига олиб келди. Айни пайтда Парламентда мутлақо янги Солиқ кодекси кўриб чиқилмоқда. Бу ҳужжат бизнеснинг ҳам, давлатнинг ҳам манфаатларини инобатга олиб, тадбиркорларни солиқларни тўғри тўлашга ундаши керак. Қўшимча солиқ тушумлари тараққиёт бюджетини оширади ва янги мактаблар, шифохоналар ва бошқа ижтимоий иншоотларни қуриш имконини беради. Очик ва барқарор солиқ тизими мамлакат сармоявий салоҳиятини мустақамлайди. Буларнинг барчаси фуқаролар фаровонлигини ошириш, умуман иқтисодиётни юксалтириш, пировардида тадбиркорликни ривожлантириш учун жуда самарали ва фойдали бўлади. Албатта, бундай оғир даврда бизга биринчи навбатда ҳамжихатлик керак. Бирлаша оладиган халқ ғалаба қозонади. Шунинг учун ҳам одамларни ягона мақсад сари сафарбар этиш жуда муҳим, – деди Давлат раҳбари.

Президент “Тоза Қозоғистон” тadbирига алоҳида тўхталиб, ушбу лойиҳа қисқа вақт ичида бутун мамлакатни бирлаштиргани ва умуммиллий тус олганини таъкидлади.

– Ушбу ташаббусда шимкентликлар



ҳам фаол иштирок этмоқда. Утган йили шаҳарда 200дан зиёд ҳовли ва жамоат жойлари тозаланиб, 200 минг тулдан ортиқ дарахт кўчатлари ўтказилди. “Тоза Қозоғистон” факат атроф-муҳитни тозалаш ёки шанбаликка чиқиш билан чекланмайди. Унинг қўлами ва мазмуни жуда кенг. Тозалик, энг аввало, ички маданият мезонидир. Юртимиздаги ҳар бир фуқаронинг қалби тоза, амали пок бўлса, биз чинакам илғор элга айланамиз. Бу муҳим масалада ўзининг “чиroyли” номига муносиб бўлган Шимкент шаҳри етакчилик қилиши керак. Мамлакатимизда қонун ва интизом устувор бўлиши даркор. Бу алоҳида аҳамиятга молик мақсаддир. Агар қонунга риоя қилсак, тартиб-интизомга бўйсунма олсак, ўз олдимиизга қўйган мақсадларга эришамиз ва ҳар қандай инқирозни енгамиз. Бугунги нотинч замонда мамлакатимизда қонунга асосланган интизом жуда зарур. Қонунни бузган фуқаролар жавобгарликка тортилиши керак. Бошқа йўл йўқ. Шундай қилиб, биз адолатли, хавфсиз, кучли ва покиза Қозоғистонни яратамиз ва обод мамлакатга айланамиз, – деди Давлат раҳбари.

Маърузаси сўнғида Президент шимкентликларга миннатдорчилик билдириб, ишларига муваффақиятлар тилади.

ТИНЧЛИК – БЕБАҲО ҚАДРИЯТ

Мустақил Давлатлар Ҳамдўстлиги Ташқи ишлар вазирилари кенгаши

(Давоми. Боши 1-бетда).

Бундай ташаббуслар қаторига кўнгиллилар форуми, кинофестиваль, Ҳамдўстлик ярмаркаси ва МДҲ Академик пойтахти таъсис этилиши қиради.

– Президент Қасим-Жўмарт Тўқаев ташаббуси билан МДҲда ҳамкор ва кузатувчи мақомлари жорий этилди. Биринчи салоҳиятчи номзод сифатида Шанхай ҳамкорлик ташкилотига кузатувчи мақомини бериш масаласи кўриб чиқилмоқда. Бундан ташқари, Қозоғистон томонидан илгари сурилган “МДҲ плюс” янги ҳамкорлик шакли ташаббуси ҳам ишлаб чиқилмоқда, – деди М. Нуртлеу.

МДҲ Ташқи ишлар вазирилари кенгашига раислик қилаётган Тожикистон Ташқи ишлар вазири Сирожиддин Мухриддин Тожикистон раислиги БМТ тамойиллари ҳамда МДҲ асосий ҳужжатларига мувофиқ амалга оширилаётганини таъкидлади. Тожикистон раислигининг устувор йўналишлари – минтақавий хавфсизликни мустақамлаш, иқтисодий ҳамкорликни ривожлантириш, транспорт-логистика алоқалари ва гуманитар ҳамкорликни кенгайтиришдан иборат.

Шунингдек, МДҲ кўнғиллилар анжуманига тайёргарлик, ташкилотнинг меъёрий-ҳуқуқий асосини такомиллаштириш масалалари муҳокама қилинди. Аъзо давлатларнинг доимий вакиллари кенгаши фаолиятига, МДҲ қуролли кучлари ўртасида қўшма алоқа тизимини шакллантиришга ҳамда фуқаролик, оила ва жиноят ишлари бўйича ҳуқуқий ёрдам кўрсатиш конвенцияларига ўзгартиришлар киритиш бўйича ҳужжатлар имзоланди. Бундан ташқари, кўнгиллилар анжумани арафасида ёшлар ва жамоатчилик ташкилотлари ўртасида мулоқот майдонини шакллантириш муҳим аҳамият касб этиши таъкидланди.

МДҲ Бош қотиби Сергей Лебе-

девнинг маълум қилишича, ҳозирда ҳамдўстлик доирасида турли йўналишлар бўйича 67та тармоқ кенгаши фаолият юритмоқда, уларнинг аксарияти иқтисодий соҳаларга оид. Унга кўра, йиғилишда қабул қилинган қарорлар айнаш шу кенгашлар фаолиятини жонлантириш ва уларнинг самарадорлигини оширишга йўналтирилган.

– Ҳурматли дўстлар, шуни алоҳида таъкидлашни истардимки, бугунги йиғилишда иштирок этган туққизта давлат Ташқи ишлар вазирилари билан бундан ташқари, Қозоғистон томонидан илгари сурилган “МДҲ плюс” янги ҳамкорлик шакли ташаббуси ҳам ишлаб чиқилмоқда, – деди М. Нуртлеу.

МДҲ Ташқи ишлар вазирилари кенгашига раислик қилаётган Тожикистон Ташқи ишлар вазири Сирожиддин Мухриддин Тожикистон раислиги БМТ тамойиллари ҳамда МДҲ асосий ҳужжатларига мувофиқ амалга оширилаётганини таъкидлади. Тожикистон раислигининг устувор йўналишлари – минтақавий хавфсизликни мустақамлаш, иқтисодий ҳамкорликни ривожлантириш, транспорт-логистика алоқалари ва гуманитар ҳамкорликни кенгайтиришдан иборат.

Шунингдек, йиғилиш давомида Ҳамдўстликка аъзо давлатларнинг Улуғ Ватан урушидаги ғалабанинг 80 йиллигини нишонлашга тайёргарлик жараёни, шунингдек, чегара хавфсизлигини бирлаштириш ва мустақамлаш доирасидаги маданий-гуманитар ҳамкорлик масалаларини муҳокама қилишга алоҳида эътибор қаратилди. Тадбирда Ўзбекистон Республикаси Ташқи ишлар вазири ўринбосари Бобур Усмонов, Озарбайжон Ташқи ишлар вазири ўринбосари Самир Шарифов, Арманистон Ташқи ишлар вазири ўринбосари Мнацакан Сафарян, Беларусь Республикаси Ташқи ишлар вазири ўринбосари Павел Утюпин, Қозоғистон Республикаси Бош вазири Жўнбек Қулубаев, Россия Федерацияси Ташқи ишлар вазири Сергей Лавров, Туркменистон Республикаси Ташқи ишлар вазири ўринбосари Аҳмад Гурбанов ҳамда МДҲ Бош қотиби Сергей Лебедев иштирок этди.

»» Буюк Ғалабага – 80 йил

Туркистон шаҳрида Қозоғистон Республикаси VI ёшлар спорт ўйинларининг расмий очилиш маросими ўтди. Бу йил ўйинлар Ғалабанинг 80 йиллиги арафасида ўтмоқда. Мажмуавий беллашувлар 24 февралдан 1 октябрга қадар спортнинг 34 тури бўйича ўтказилади. Мусобақада 2000 дан зиёд спортчи иштирок этади.



Туркистон шаҳридаги “Turkestan-Arena” ўйингоҳининг очилиш маросимида Қозоғистон Республикаси Туризм ва спорт вазирини Ербўл Мирзабўсинов, вилоят ҳокими Нуралхан Кўшеров, Астана, Алматы, Шимкент шаҳарлари жисмоний тарбия ва спорт бошқармалари раҳбарлари ҳамда вилоятлардаги фахрий спортчилар иштирок этди.

Тадбирнинг очилиш маросимида сўзга чиққан Е. Мирзабўсинов бундай мусобақалар ёш спортчилар учун алоҳида аҳамият касб этишини таъкидлади.

– Туркистон заминидан ўтаётган Қозоғистон Республикасининг VI ўсмирлар спорт ўйинларига хуш келибсиз! Бу йил ўйинлар Ғалабанинг 80 йиллиги арафасида ўтмоқда. Аждодларимиз қонли жангоҳларда мислсиз жасорат кўрсатиб, бизга осуда осмонни ато этди. Қаҳрамонларнинг жасорати ва матонатини унутмаслигимиз керак. Маълумки, Давлат раҳбари спорт соҳасини ривожлантиришга алоҳида эътибор қаратмоқда. Бунинг самарасида мамлакатимиз спортчи савияси йилдан-йилга ошиб бормоқда. Спортчилар

ЭЛИМ ДЕГАННИ – ЮРТ АРДОҚЛАЙДИ

римиз халқаро мусобақаларда юксак муваффақиятларга эришиб, юртимиз байроғини сарбаланд этмоқда. Ёшлар ўртасидаги спорт ўйинлари каби мажмуавий тадбирлар эса мамлакатимиз спортини янги босқичга кўтаришга туртки бўлади. Шунингдек, улар ёш авлодни соғлом турмуш тарзига ўргатади. Ишончим комилки, бу йил энг яхши спортчилар шохсугага кўтарилади, – деди Туризм ва спорт вазирини.

Вилоят ҳокими Нуралхан Кўшеров минтақада спорт соҳаси жадал ривожлантиришни таъкидлади.

– Тарихий шаҳарга хуш келибсиз! Давлатимиз раҳбари спортни ҳар томонлама ривожлантириш юзасидан кўрсатмалар берди. Бугун Туркистонда ёшларнинг VI спорт ўйинлари бошланди. Бу юрт келажаги бўлган ёшларимизнинг маҳоратини оширувчи, янги чемпионларни кашф этувчи муҳим мусобақадир. Бу йилги мусобақада мамлакатимизнинг барча ҳудудларидан 2 минг нафардан зиёд ёш спортчилар иштирок этмоқда. Туркистон вилоятида спортнинг 34 тури бўйича 300дан зиёд спортчи иштирок

этади. Бундай йирик тадбирнинг Туркистонда ўтказилиши табиийдир. Чунки вилоятда спорт инфратузилмаси яхши ривожланган. Оммавий спортни ривожлантириш мақсадида 2024 йилда 73та замонавий спорт иншооти фойдаланишга топширилди, 2025 йилда яна 51таси эшиқларини очади. Улар орасида эшак эшиш канали ва отчопар ҳам бор. Спорт мусобақаларида нафақат вилоят, балки бутун мамлакатимиз шарафини муносиб ҳимоя қилмоқдасиз. Ушбу беллашув орқали сиз юксак марралар сари қадам ташлайсиз. Жаҳон чемпиони, Олимпия чемпиони бўлинг! Барчангизга ҳалол рақобат, муваффақият ва ёрқин ғалабалар тилайман! – деди Н. Кўшеров.

Ёшларнинг VI спорт ўйинлари мамлакатимизнинг барча ҳудудларида ўтади. Туркистонда баскетбол, байдарка ва каноэда эшак эшиш бўйича ҳам мусобақалар ташкил этилади.

Таъкидлаш жоизки, Қозоғистон Республикасининг VI ўсмирлар спорт ўйинлари жорий йилда Қозоғистон Республикасида 2023-2029 йилларда жисмоний тарбия ва спортни ривожлантириш концепциясини амалга ошириш, миллий терма жамоани шакллантириш ва халқаро мусобақаларга, жумладан, жорий йилда Баҳрайнда ўтадиган ёзги ўсмирлар Осиё ўйинларига тайёргарлик доирасида ўтказилмоқда.

Вилоят ҳокимининг матбуот хизмати.



Буюк Ипак йўлидан янги тамаддун сари йўл

(Давоми. Боши 1-бетда).

– Барчангизга маълумки, дунёвий савдо урушининг авж олиши сабабли бутун жаҳонда мураккаб вазият юзага келмоқда. Агар шундай можаро юзага келса, бутун мамлакат зарар кўради. Бунга ҳеч қандай шубҳа йўқ.

Шу билан бирга, биз Президент Трампнинг ушбу можарога алоқадор мамлакатлар нуқтаи-назарига ойдинлик киритиш ва имкон бўлса, музокараларни бошлаш учун 90 кунлик мораторий эълон қилиш ҳақидаги жиддий қарорини қўллаб қувватлаймиз. Мутахассисларнинг оғохлантиришича, мамлакатларнинг бир-бирига қарши бошлар жорий этиши дунёвий иқтисодий таназзулга олиб келиши, халқроқ савдонинг барча қоидаларини бузиши ва ҳатто қуролли можарога олиб келиши мумкин. Ҳафта аввалида барча асосий кўрсаткичлар тушиб кетди ва нефть баҳоси бир баррель учун 60 доллардан ошмади. Бироқ, Америка расмийлари томонидан кўрилган чора-тадбирлар туфайли биржада нархлар анча кўтарилди. Ҳозирда вазият бироз барқарорлашгандек туюлса-да, жаҳон фонд бозорлари ва товар биржаларида мисли кўрилмаган нотинчлик ҳукм сурмоқда. Кўриниб турибдики, дунё катъий тарифлар тўқнашуви сиёсатига ўтди. Гап шунчаки навбатдаги иқтисодий бўҳрон ҳақида эмас, балки жаҳон иқтисодиёти пойдеворини силкитадиган ва халқаро муносабатлар тизимига жиддий зарар етказадиган инқироз сари кетаётганимиз ҳақида. Биз мавжуд вазиятни чуқур таҳлил қиламиз ва барча таҳдидларни инобатга оламиз. Ҳар қандай қийинчиликларга қарамай, Қозоғистон замонавийлашув йўлидан оғишмайди, стратегик йўналишимиз ўзгармайди. Биз инфратузилма, транспорт, sanoat, қишлоқ хўжалиги, рақамлаштириш ва бошқа соҳаларда йирик лойиҳаларни амалга оширишда давом этамиз. Иш тўхтамайди. Шунингдек, албатта, давлатимиз ўз зиммасига олган ижтимоий мажбуриятларни бажаради, – деди Қ. Тўқаев.

Президент имкон қадар дунёвий вазиятга мослашган ҳолда ишлаш, яъни Қозоғистон иқтисодиётини турли таҳдидлардан муҳофаза қилиш учун ҳар бир қадамни пухта ўйлаб, тўғри қарорлар қабул қилиш муҳимлигини таъкидлади.

– Шу боис Ҳукумат ҳар қандай масалани олдиндан кўриб чиқиб, самарали ва қатъий ҳаракат қилиши керак. Мамлакатимиз қўллаб имкониятлар ва улкан салоҳиятга эга. Январ-март ойларида ялпи ички маҳсулот ўсиши 5,8 фоизни ташкил этди. Бу, шубҳасиз, ҳозирги оғир вазиятда жуда яхши кўрсаткич. Шунини алоҳида таъкидлашни истардимки, миллий иқтисодиётимиз асосан, транспорт тармоғи, қурилиш,

саноат, савдо тармоқлари ҳисобидан ривожланмоқда. Бу жуда муҳим ютуқ. Бундан ташқари, жаҳон инқирози юз берган тақдирда мамлакатимиз Миллий жамғарма ва олтин-валюта захиралари маблағларидан фойдаланиши мумкин. Ишонаманки, тадбиркорларимиз ҳам мана шундай оғир дамларда айниқса, фаол ишлайди. Чунки мен уларни ҳар қандай қийинчиликни энга оладиган ҳақиқий инсонлар деб биламан. Биз энди қуруқ сўздан амалий ишга ўтишимиз керак. Барчамиз бир давлат бўлиб, қатъият ва самарали фаолият юритишимиз керак, – деди Давлат раҳбари.

Президентнинг таъкидлашича, Қозоғистон халқаро ҳамжамиятнинг масъулиятли аъзоси сифатида очик савдо, товар ва хизматларнинг эркин ҳаракатланиши тамойилларига қатъий амал қилади. Мамлакат ҳам барча ҳамкорлари билан ўзаро ишонч ва очик мулоқотга асосланган муносабатларни курмоқда.

– Савдо – тараққиёт манбаи. Савдо туфайли нафақат алоҳида давлатлар, балки бутун минтақалар гуллаб-яшнади. Қозоғистон Шарқ ва Ғарб, Шимол ва Жанубни боғловчи савдо йўллари чорраҳасида жойлашган. Бу нафақат бизнинг географик хусусиятимиз, балки тарихий тақдиримиз ҳамдир. Шундай экан, мамлакатимиз олдида турган ушбу стратегик имкониятдан унумли фойдаланишимиз керак. Шу боис Қозоғистон бундан кейин ҳам муҳим халқаро транспорт-логистика лойиҳаларини амалга оширишда фаол иштирок этади. Асосий мақсадимиз барчага тушунарли, деб уйлайман. Биз тақдиримиз муштарак бўлган қўшни давлатлар билан бундан кейин ҳам самарали ва ҳар томонлама ҳамкорликни мустаҳкамлаймиз. Биз миллат манфаатларини ҳамма нарсдан устун қўйган ҳолда жиддий ва мутаносиб ташқи сиёсат юритамиз. Биз барча қўшни давлатлар билан тинч-тотув яшаймиз. Бу масалага ҳамisha алоҳида эътибор қаратамиз. Қўшни давлатларда тинчлик ва барқарорлик бўлишини истаймиз. Албатта, буларнинг барчаси муваққат қийинчиликлар. Энг муҳими, йўналишимиз аниқ, йўлимиз очик. Мақсадларимизга албатта, эришамиз. Ҳукумат ва ҳокимларнинг асосий вазифаси улар амалга оширган ислохотлар ва лойиҳаларни пухталиқ билан амалга оширишдан иборат. Шундагина миллий иқтисодиётимиз барқарор тараққиёт йўлига ўтади, – деди Президент.

Хулоса ўрнида айтиш жоизки, янги Қозоғистонда олиб борилаётган ислохотлар том маънода ижобий самара бермоқда. Бу эса жамият ҳаётининг муҳим соҳаларини тубдан ислоҳ қилиш бўйича танланган йўлда содиқ эканидан далолат беради.

Авазхон АБДУФАТТОВ.

ЗАКОВАТ ЎЙИНЛАРИ ҒОЛИБЛАРИ АНИҚЛАНДИ

Вилоят ижтимоий тараққиёт бошқармаси “Ёшлар имконият маркази” томонидан ташкил этилган “AL-FARABI” заковат ўйинининг финал босқичи якунланди. Тўрт кун давом этган ушбу кенг қўламли тадбирнинг ҳал қилувчи босқичида “Жастар руҳи” жамоаси ғалаба қозониб, 1 миллион тенгени қўлга киритди.



Мусобақанинг якуний босқичида вилоят ҳокими ўринбосари Ертай Алтаев иштирок этиб, ҳар йили ўтказиб келинаётган тадбир аҳамиятига тўхталиб, ёшларга омад тилади. Шунингдек, ғолиб ва совриндорларни таъриқлади.

Тадбирда вилоятимизнинг барча туман ва шаҳарларидан 1000 нафарга яқин ёшлар (200га яқин жамоа) иштирок эт-

ди. Саралас босқичидан ўтган энг яхши 10та жамоа финал босқичига йўланма олди.

Заковат ўйинлари натижасига кўра “Жастар руҳи” жамоаси 1-ўринни қўлга киритди. 2-ўрин “Сайрам” ва “11-коллег” жамоаларига насиб этган бўлса, 3-ўринни “Кониная power” ва “Уран city” жамоалари эгаллашди. Биринчи ўрин соҳибларига 1 000 000 тенге, иккинчи ўринни эгаллаган ҳар бир жамоага 500 000 тенге, учинчи ўрин эгалларига 300 000 тенге пул мукофоти топширилди.

Вилоят минтақавий алоқалар хизмати.

БАЛЛИ, БАСКЕТБОЛЧИЛАР!



Туркистон шаҳридаги Балуан Шўлақ номидаги спорт мажмуасида ўтаётган VI ёзги ўсмирлар спорт ўйинлари доирасидаги баскетбол бўйича қизлар ўртасидаги мусобақа ғолиб ва совриндорлари аниқланди.

Тўрт йилда бир марта ўтказилган мажмуавий мусобақада 16та

минтақадан жамоалар (жами 224 нафар баскетболчи) иштирок этди.

Финал баҳси мезбонлар – Туркистон баскетболчилари ва пойтахт жамоаси ўртасида бўлди. Учрашув 76:68 ҳисобида майдон эгаларининг ғалабаси билан якунланди. Бронза медаллари учун баҳс Шимкент шаҳри ва Атирау вилояти жамоалари

ўртасида кечди. Бу ерда Ғарб жамоаси яққол устунлик билан ғалаба қозонди. Кучли бешликни Жетису вилояти жамоасини мағлуб этган Ақмула вилояти жамоаси якунлади (ҳисоб: 53-35).

Вилоят ҳокимининг матбуот хизмати.

Ижодкорга эътиром

Оқсувкент қишлоғидаги «Ардақты Ана музейи»да «Қалам соҳибининг туғилган куни – кутубхонада» лойиҳаси доирасида туман маданият, тилларни ривожлантириш, жисмоний тарбия ва спорт бўлими ҳамда туман марказий кутубхонаси ҳамкорлигида таниқли шоир, ёзувчи ва таржимон Абдурахим Пра- товнинг 70 йиллик юбилейига бағишланган адабий учрашув ўтди.



меросини ўрганиш ва тарғиб қилишда фаоллик танитиб, эл олқишига сазовор бўлди.

Тадбирда дастлаб сўз олган Сайрам тумани ҳокими ўринбосари Сержан Дүйсебаев юбилейнинг маънавият соҳасидаги фаолиятини юксак баҳолаб, уни туман ҳокими номидан кутлади.

Қ. Жандарбеков номидаги туман маданият уйи ва «Гунча» халқ дастаси хонандалари гузал кўшиқлари билан тадбирга файз бағишладилар.

Ш. Рашидов номидаги умумий ўрта мактаб ўқувчилари ва кутубхона ходимлари шоир шеърларини мазмунли ва таъсирли тарзда ўқиб, ижодкорга эътиромини намойён этдилар. «Жамоат тотувлиги» муассасаси туман филиали раҳбари Б. Айтбаев, маданият соҳаси фахрийси С. Темирбаев, «Ижодкор» бирлашмаси раиси З. Мўминжонов, шоир ва таржимон Н. Тўрмурашовлар тадбир қаҳрамони ҳақидаги фикр-мулоҳазаларини билдириб, унга самимий тилаklarини етказдилар.

Кеча якунида А. Пратов штирокчиларнинг саволларига жавоб бериб, тадбирга тайёргарлик жараёнида жонбозлик кўрсатган кутубхона жамоасига миннатдорчилик билдирди.

З. МЎМИНЖОНОВ.

Тасвирларда: тадбирдан лавҳалар.



«Қадрли қалам соҳибига эътиром» деб номланган мазкур тадбир ижодкорга юксак ҳурматни намойён этди. Тадбир аввалида Абдурахим Абдурашидов ўғлининг ҳаёт йўли ва ижодига бағишланган видеолавҳа намойиш этилди.

Дарҳақиқат, А. Пратов жамоатчилик соҳасидаги фаолияти, серқирра ижоди билан Қозғистондаги ўзбек адабий муҳитини шакллантиришга, шунингдек, қардош халқлар адабий алоқаларини мустақамлашга муносиб ҳисса қўшиб келмоқда. Унинг сайъ-ҳаракатлари билан ташкил этилган «Ижодкор» адабий бирлашмаси ва «Чашма» ижодий уюшмаси кўплаб ижодкорларни кашф этди. Абдурахим Абдурашидов ўғлининг ташаббуси билан чоп этилган «Бойчечак», «Камалак» журналлари, «Адабиёт ва санъат» газетаси муштарийларнинг севимли нашрларига айланди. Шоир, айниқса, Носир Фозиллов, Исраил Сапарбай, Мархабат Байгут, Ханбиби Есенқарақизи, Ерсин Кўйбағарули, Қулбек Ерғубек каби замонавий ўзбек ва қозоқ адабиётлари йирик намоёндаларининг ижодий



Отабой РАҲИМҒОЗИЕВ:

ЖУРНАЛИСТ – ЖАМИЯТ ТАБИБИ

Жамоатчи мухбиримиз Отабой Раҳимғозиев яқинда Қозғистон Журналистлар уюшмасига аъзоликка қабул қилинди. Шу муносабат билан уни табриклаб, мусоҳаббага чорладик.



– Отабой Шерғози ўғли, сизни ҳаётингиздаги энг муҳим воқеа ва таваллуд айёмингиз билан табриқлаймиз. Журналистика энг мураккаб ва машаққатли соҳалардан бири. Устозимиз, ТошДУ журналистика факультети декани сифатида фаолият юритган Сайди Умировнинг таъбири билан айтганда, ақл қаймоғи, юрак қийноғи, қалб кўри, кўз нури, сўз дури – журналистика! Журналист деганда кўз олдингизга ким келади?

– Журналист сифатида заковатга бой, қалби уйғоқ, атрофдаги воқеаларга бефарқ бўлмаган инсон кўз олдимда гавдаланади. У бир муаммонинг устидан чиқса, беварқ ўтиб кетолмайди, хулоса чиқаришдан аввал икки томонни баравар тинглайди. Халқимизда «Журналист – жамият табиби», деган пурмаъно нақл мавжуд. Ушбу нақл замирида оламжаҳон маънолар мурассам. Шифокор беморнинг аҳволини ҳузурига келгач, урганиб, ташхис қўяди.

У кўча-кўйда тутиб олиб: «Сен – беморсан, даволанишинг керак. Мен билан касалхонага юр», демайди. Ҳозирги медиа журналистика тараққий этган даврда журналист жамиятнинг оғригини излаб юрадигангина эмас, балки олдиндан кўра биладиган ва шунга монанд эҳтиёткорлик чораларини таклиф этадиган касб соҳиби бўлиши керак. Воқеалар ривожини олдиндан тўғри тахмин қила билиши ва ахборотни ўқирманга вақтида етказиб бера олиши керак. Мухтасар қилиб айтганда, журналистика юксак масъулият талаб қиладиган алоҳида мақомдаги соҳадир. Бугунги кунда ижтимоий тармоқ фойдаланувчиси борки, ўзини журналистман, деб ҳисоблайди. Лекин ахборот маконида турли ёлғон ахборот ва ишончли маълумотларни саралаб, тўғри маълумот етказиб берадиган инсонни журналист сифатида ҳурмат қиламан.

– Замонавий журналистиканинг камчилиги нимада деб ҳисоблайсиз?

– Биринчидан, Ҳозирги кунда эса бемисл ахборот макони бўлган интернет тармоғи орқали бир мақола турли тилда турли «муаллиф» имзоси билан чоп этилапти. Даврий нашрларимиз, телевидение ва радиомиз орқали «тош босадиган» бундай материаллар ҳар куни «Фалончи Фалончиев тайёрлади» қабилида қайта-қайта дунё юзини кўраётгани сир эмас. Афсуски, ҳеч ким ҳеч нарса демайди.

Иккинчидан, журналистлар бадий публицистик жанрларда

ринингми? Бахтта қарши, уни назорат қила оладиган жамият, институтлар йўқ. Фақат битта «ташкilot» бундан мустасно. У – журналист виждони! Мана шу асосий камчиликка барҳам берилса, қолганлари ўз-ўзидан йўқолиб кетарди.

– Кимларни журналистикада устоз деб биласиз?

– Болалигимдаёқ журналист бўлишни орзу қилганман. Таниқли журналистларнинг йўл очеркларини қизиқиб ўқирдим. Уларни кўнгилдагидек ёзиш учун, оддий талаб – журналист



муствақил ижод қилмай кўйди. Ҳар қалай шу баҳонада у ўз устида изланишга ва кўпроқ билим олишга, энг муҳими, одамлар ичида бўлиб, халқнинг шодлиги ташвишлари билан ўртоқлашишга вақт тополган бўларди.

Учинчидан, юқорида таъкидланганидек, асарларда кимнинг услуби борлиги номаълум (аслида ҳеч қандай услуб йўқ): асл муаллифинингми ёки ўғ-

рини олганман. «Қуруқ хабардор қилиб кўйиш билан журналист ўз мақомига эга бўлолмайди. У бир кичик хабардан «муъжиза» яратиши керак. Табиийки, ҳар қандай хабар ҳам муъжиза бўлолмайди, шундай экан, журналист қандай хабарни танлаши, қай тарзда бериш санъатини ҳам пухта ўзлаштириши лозим. Бунинг учун мутахассис маърифатли, зиёли ва албатта, кучли шарҳловчи бўлиши талаб қилинади», деган эди у бир суҳбатимизда. Буларнинг ҳаммаси бекаму кўст амалга ошиши учун

газетада биринчи хабарингиз чоп этилганидан эмас ёки журналистика факультетига ўқишга кирган кунингиздан ҳам эмас. «Мақтабда ўқиб юрган кезларингиз ёндафтар тутганингни эслайсизми? Ўша – журналистика! Волидангизга бўлган ҳурмат-муҳаббат туйғуларингизни қоғозга туширдингизми? Ўша – журналистика! Синфдош ёки мактабдош қизга дил изҳорини мактуб орқали баён этганингизми? Ўша – журналистика!

Иттифоқо кураш мусобақасини томоша қилдингиз, ҳаяжондасиз, дўстингизни учратган заҳоти зудлик билан унга кўрганларингизни айтиб, ҳикоя қилишга тушиндингиз. Бу – радио журналистика! Журналистиканинг бошланиши шу!» деб ёзади Хуршид Даврон.

– Мазмунли суҳбатингиз учун ташаккур!

– Албатта, публицист-ёзувчи Хуршид Даврон айтганидек,

Иттифоқо кураш мусобақасини томоша қилдингиз, ҳаяжондасиз, дўстингизни учратган заҳоти зудлик билан унга кўрганларингизни айтиб, ҳикоя қилишга тушиндингиз. Бу – радио журналистика! Журналистиканинг бошланиши шу!» деб ёзади Хуршид Даврон.

– Мазмунли суҳбатингиз учун ташаккур!

А. АБДУФАТТОХ.

Директор – Бош муҳаррир Райимжон Ортиқбой ўғли АЛИБОВ.	Масъул шахслар: Туркистон, Саверон – Шомирза МАДАЛИЕВ. +7701-610-51-22. Қазигурт – Хуршид ҚЎЧҚОРОВ. +7701-447-37-42. Сайрам – Зокиржон МЎМИНЖОНОВ. +7702-278-96-90 Тулқибой – Мунира САЪДУЛЛАЕВА. +7747-144-60-71. Жетисай, Мақтарал – Мухтабар УСМОНОВА. +7701-257-36-97 Келес, Сариоғоч – Малика ЭЛТОЕВА. +7702-841-78-82 Кентов, Сўзоқ – Рўзиохун МАДАЛИЕВ. +7708-824-20-97.	Муассис – Туркистон вилояти ҳокимлиги. Мулк эгаси – «Жанубий Қозғистон» вилоят ижтимоий-сиёсий газетаси таҳририяти» масъулияти чекланган биродарлиги. Газета ҚР Маданият ва ахборот вазирлиги ҳамда давлатларнинг турмуши учун муаллифлар, реклама ва эълон бўлувчилар масъулдир. «Фондальонимиздан мақолаларга ёзма жавоб қайтарилмайди.» «ERINUR» тўғр. МББ Ўзбекистонда чоп этилди. Шимикент шаҳри, Т. Алимутов кўчаси, 22. Генерал: 831.	МАНЗИЛИМИЗ: 160000, Шимикент шаҳри, Тауке хан шоҳқўчаси, 6-уй, 3-қават. Телефон: 53-07-10. Телеракс: 53-04-66. +7778-618-39-05 Электрон почта: janubiy@inbox.ru Нашр кўрсаткичи – 65446. Адади – 11400 нуска. Навбатчи муҳаррир: Мунира САЪДУЛЛАЕВА.
Қозғистон Республикасида тарқатилади.			